



Eddy Briesen

Un Arubiano director na arubus

Desde 1 di Januari 1984, Ing. Edison "Eddy" Briesen, a keda nombrá como director di e compañía Arubiano di Bus N.V. "ARUBUS".

Ing. Briesen a nace ariba 1 di Juni 1951, na Aruba, e ta casa y ta tata di 2 yiu. E a caba su estudio primaria na Benildeschool, despues su MULO na Augustinus College. Di 1968 pa 1971 e a bishita John F. Kennedyschool, na unda e a termina U.T.S. Na Breda, Hulanda Ing. Briesen a studia H.T.S. Werktuigbouwkunde.

Durante aña 1978 Ing. Briesen a traha como "Tekenaar Constructeur" na Molenschot B.V. di Breda y di October 1978 pa Februari 1979 e tabata tin e maneho temporario di Compañia Arubiano di Bus N.V. ARUBUS.

For di Februari 1979 pa 31 December 1982 e tabata "Chef Vervoersdienst" y "Counterpart" na Arubus. Desde 1 di Januari 1983 te cu 31 di December 1983 e tabata "Adjunktdirecteur" y "Counterpart" na Arubus.

Tumando na consideracion e amplio experiencia cu Ing. Briesen tin ariba e tereno aki, Gobierno di Aruba tin completo confianza den su persona y ta orguyoso cu otro Arubiano a yega pa ocupa un posicion asina importante. Tambe mester menciona cu Ing. Briesen ta hopi activo ariba tereno social.